



Index Librorvm Prohibitorvm Alexandri VII

Alexander

Romae, 1667

LVI. [i.e. XLVI.] Sanctæ Inqvisitionis. Feria 5. Die prima Augusti MDCXXXI.

[urn:nbn:de:hbz:466:1-81440](https://nbn-resolving.org/urn:nbn:de:hbz:466:1-81440)

SANCTÆ INQUISITIONIS.

Feria 5. Die prima Augusti MDCXXXI.

In Congregatione Generali S. Romanæ, & Vniuersalis Inquisitionis habita in Palatio Apostolico Montis Quirinalis coram Sanctiss. D. N. D. VRBANO diuina providentia Papa Octauo, ac Eminentiss. & Reuerendiss. DD.S.R.E. Cardinalibus in Vniuersa Republica Christiana contra hæreticam prauitatem Inquisitoribus Generalibus à S. Sede Apostolica specialiter deputatis.

ALias fel. record. Paulus Papa V. ad tollenda scandala & dissensiones, quæ in Ecclesia Catholica oriebantur occasione editionis Librorum & operum de Auxilijs tractantium, in generali Congregatione Sanctæ Romanæ & Vniuersalis Inquisitionis Decretum infrascriptum edidit. Sanctissimus D. Noster decreuit, vt scribatur Nuntijs Apostolicis, quod notificent & ordinent Superioribus Religionum, Vniuersitatibus Studiorum, & Ordinarijs suæ Nuntiaturæ, ne finant imprimi in materia de Auxilijs, etiam sub prætextu commentandi Sanctum Thomam aut alio modo, & qui volunt de hac materia scribere, & imprimere prius mittant tractatus, & compositiones ad hanc sanctam Inquisitionem.

Cuius quidem Decreti tenor in executionem mentis Sanctitatis Sux omnibus prædictis per Nuntios respectiue legitime fuit intimatus. Ne tamen contra prædictum Decretum aliquid attentari contingeret, sed scandala, & dissensiones omnino cessarent; Sanctissimus D. N. in eadem Congregatione generali Sanctæ Romanæ, & Vniuersalis Inquisitionis Feria Quinta, die 22. Maij, anno à Natiuitate Domini 1625. aliud suum Decretum edidit tenoris infrascripti.

Sanctissimus D. N. supradictum Decretum, hoc suo præsentis Decreto confirmauit, & innouauit, districtè præcipiens, & mandans omnibus, & singulis cuiusvis Religionis, Ordinis, Congregationis, Instituti, Societatis etiam de necessitate exprimendæ, Regularibus, & alijs quibuscunque tam Ecclesiasticis quàm Sæcularibus personis cuiusque status, conditionis, gradus, ordinis, & dignitatis tam Ecclesiasticæ quàm Sæcularis, vt in posterum non audeant imprimere, *vel* quocummodo in lucem edere Libros, tractatus *vel* compositiones ex professo *vel* incidenter, aut prætextu commentandi Diuum Thomam, *vel* quemlibet alium Doctorem, aut alia quauis occasione, prætextu *vel* modo de materia Auxiliorum Diuinorum tractantes sine expressa & speciali licentia à Sanctitate Sua in Congregatione Sancti Officij obrinenda, donec aliud in hac materia à Sede Apostolica fuerit ordinatum.

Vt autem huiusmodi Decretum inuolabiliter obseruetur eadem Sanctitas Sua voluit & declarauit contrauenientes pœnas priuationis, Dignitatum, Officiorum suorum vocis actiue & passiuæ, facultatis concionandi, publicè legendi, docendi, & interpretandi ipso facto absque alia declaratione incurrere, & nihilominus alijs etiam pœnis Sanctitatis Sux, & successorum suorum Romanorum Pontificum arbitrio infligendis, subiacere.

Libros porro, quos in futurum contra præsentis Decreti tenorem edi contigerit absque alia declaratione tanquam expressè prohibitos haberi voluit. Et Impressores præter amissionem Librorum pecuniarijs, alijsque corporalibus pœnis iuxta criminis grauitatem teneri mandauit. Contrarijs quibuscunque non obstantibus.

Cum verò Sanctitati Sux nuper innotuerit, in Ciuitate Louaniens. quosdam assertos Cornelij Iansenij olim Episcopi Iprensis Executores ex testamento, in lucem edicasse Librum, cui titulus Augustinus, ex professo continentem, & tractantem materiam de Auxilijs, nulla penitus petita *vel* obrepta ab hac Sacra Congregatione licentia

Index Prohibit. Romanus.

h h illum

INDICES

Librorum
PROHIBITORUM
E. V.
=4.

illum imprimendi; cuius operis occasione Patres Societates Iesu nonnullas in Civitate Antuerpien. de eadem materia tractantes Theses, pariter absque licentia eiusdem Sacrae Congregationis imprimi curasse, opinionesque Iansenij in prædicto Libro oppugnasse: Rursusque nonnullos alios libellos, orationes, scripturas, epistolas, Theses infamius registrandas, tam pro dicti Libri Iansenij, quam Thesium à Patribus Iesuitis editionem, sed in graue scandalum & offensionem Ecclesiae Catholicae. Ut malis huiusmodi contraire. Pro nunc, eadem Sanctitas Sua inhaerendo Decretis à Paulo V. & à Sanctitate Sua emanatis, dictum Librum Iansenij, cui titulus, Augustinus, Louanij impressum, necnon Theses à Patribus Societatis Iesu Antuerpiae in lucem editas, aliasque scripturas in calce praesentis Decreti registrandas, iam vigore supradictorum Decretorum prohibitas, hoc praesenti suo Decreto, de nouo prohibet, ac pro prohibitis omnino haberi voluit. Mandauitque sub poena excommunicationis ipso facto incurrendae ne quis cuiusque status, gradus, conditionis, & qualitatis etiam speciali & specialiter nota dignae, librum & Theses praedictas, aliasque scripturas, ut supra, absque Sedis Apostolicae licentia in Congregatione Sancti Officii obtinenda, retinere ac legere possit. Insuper mandauit omnibus & singulis cuiusvis Religionis, Ordinis, Congregationis, Instituti Societatis, etiam de necessitate exprimendae, Regularibus, & alijs quibuscunque tam Ecclesiasticis quam Secularibus personis, cuiuscunque status, conditionis, gradus, ordinis, & dignitatis, Abbatiali, Episcopali, Archiepiscopali, & Patriarchali dignitate suffultis, Collegijs, Vniuersitatibus, sub praedictis poenis, ut supra, excommunicationis ipso facto incurrendae, Interdicti Ecclesiastici respectiue, aliisque arbitrio Sanctitatis Suae poenis infligen. etiam corporalibus, ne in posterum audeant imprimere, nec quoque modo in lucem edere libros, Tractatus, Compositiones ex professo vel incidenter etiam sub praetextu commentandi Diuum Thomam, seu in Philosophicis agendi de concursu causae primae cum secunda, & praesertim defendendi aut impugnandi Librum d. Cornelij Iansenij, cui titulus, Augustinus, vel Theses Patrum Societatis Iesu, aliasque scripturas, ut infra, prohibitas, aut alia quauis occasione vel modo de materia Auxiliorum Diuinorum, seu de Gratia & Libero arbitrio tractantes, sine expressa & speciali licentia à Sanctitate Sua in Congregatione Sancti Officii obtinenda, donec aliud in hac materia à Sede Apostolica fuerit ordinatum. Absolutionem verò à praedicta excommunicatione, necnon Interdicti suspensionem, & relaxationem Sanctitati Suae, & Sacrae Congregationi reseruauit. Non obstantibus quibuscunque priuilegijs etiam S. Cruciatæ, Iubilæi etiam generalis, & facultatibus Missionariorum, ac alijs à sancta Sede emanatis seu emanandis; quibus omnibus in hac parte Sanctitas Sua derogat. Voluitque Sanctitas Sua hæc omnia suum plenarium fortiri effectum omnesque contrafacientes ut supra ligare, nec quemquam excusari posse etiam sub praetextu, quod Decreta Pauli V. & Sanctitatis Suae aliàs emanata, non fuerint in Prouincijs intimata, vel vñ recepta. Iterum quoque & inane quicquid super ijs à quoquam quauis auctoritate scienter vel ignoranter contigerit attentari, decernit. Contrarijs quibuscunque non obstantibus. Et ne praemissorum ignorantia possit ab aliquo praetendi voluit, ut Decretum huiusmodi, seu illius exemplum ad Valuas Basilicarum S. Ioannis Lateranensis ac Principis Apostolorum de Vibe, & in acie Campi Floræ affixa, omnes ita arceant & afficiant, ac si vnicuique personaliter intimata fuissent.

Nora Librorum, & Scripturarum Prohibitarum.

Libri, cui titulus Augustinus, impressus Louanij, Typis Iacobi Zegeri, anno 1640. & Parisijs 1641.

Theses Theologicae, de Gratia, Libero arbitrio, & Praedestinatione. Antuerpia, apud Ioannem Meursium, Anno 1641.

Cornelij Iansenij Iprensis Episcopi, &c. Laudatio Funeralis dicta à R. Fratre Ioanne à Lapide, &c. Louanij Typis Bernardini Marij, &c.

Epistola Idiomatica Hispano All'Eminentissimo, y Reuerendissimo Señor Cardinal de la Cueva de la Congregation de la S. Inquisition Por el P. Pedro Biuro de la Compania de Iesus, Predicador del Señor Cardinal Infante. Data in Bruxellas 26. Henero 1641.

Memoriale

Memoriale idiomate Hispano Cardinali Infanti Hispan. Incipiens *Serenissimo. Sennor,*
& finiens. *Como es V. Cathol. Real. A.*

Libellus, cui titulus, Humilis, & supplex Querimonia Iacobi Zegers Typogr. Louan.
adversus Libellum R. P. S. I. Regiæ Capellæ Bruxell. Concionatoris, & Thef. PP. So-
cietatis. Louanij, apud Iacobum Zegers anno 1641. primæ, secundæ, & tertie editionis. Pri-
uolam Iansenianam, &c. contra Theses Theologicas, & libellum supplicem, &c. eius-
dem de eodem tela ingesta & regeſta.

Theses Theologicæ Apologetica, & Miscellaneæ adversus doctrinam Cornelij Ian-
senij, &c. sub prætextu querimonie Typographi Louanienſis, editionis secundæ, &c.
Antuerpiæ, apud Ioannem Meursium, anno 1641.

Libellus cui titulus Augustini Hypponenſis, & Augustini Ipreſis De Deo omnes sal-
uare volente, &c. Homologia, &c. Louanij, apud Iacobum Zegers, anno 1641.

Epistola Liberti Fromundi, &c. & Henrici Caleni Louanij 16. Iunii 1641. R. P. So-
ciet. Iesu Louan. incipiens *Theses vestras.*

Epistola Professorum S. Thomæ Coll. Societ. Iesu Louan. Liberto Fromundo, & Hen-
rico Caleno incipiens *Gratias agimus, &c.*

Epistola, cui titulus, Petrus Buerus Doctoribus Iansenianis, &c. Ad Rem &c. inci-
piens *Ad Rem, Amici.*

Somnium Hipponenſe, siue de Controversijs, &c. Relatore PHILETYMO S. T.
Baccal Formato. Parisijs, anno 1641.

Insuper omnes alij libri, Opuscula, Epistolæ, Orationes, Theses, &c. aliaque omnia,
tam edita hucusque quam imprimenda tam contra, quam pro Cornelio Iansenio, ac
Patribus Iesuitis.

Io. Antonius Thomæſius S. Rom. & Vniuersalis Inquisitionis Not.

XLVII.

SACRÆ CONGREGATIONIS INDICIS.

SACRA Congregatio Indicis præcipit omnibus, & singulis cuiuscumque gradus, &
conditionis sub pœnis in Indice Librorum Prohibitorum contentis, cassari in Bre-
uiario Romano illa verba, quæ leguntur in Lectionibus Sanctæ Catharinæ Senensis:
Ex Benincasia una cum Burghesia familia ex eodem Stipite Proveniente: & non nisi delectis
dictis verbis in iam impressis ipsas legi ac retineri, prohibendo pariter ne in posterum
villo modo dicta verba apponantur, quotiescunque huiusmodi Lectiones de nouo im-
primi contigerit, iuxta Decretum S. Congregationis Sacrorum Rituum emanatum
die 28. Septembris 1641.

In quorum fidem Manu, & Sigillo Eminentiss. & Reuerendiss. DD. Cardinalis Cae-
tani præfens Decretum signatum, & munitum fuit. *Rome, die 22. Ianuarij 1642.*

Aloys. Card. Caetanus.

Locus † sigilli.

Fr. Io. Baptista Marinus Ord. Præd. Secretarius.

XLVIII.

SACRÆ CONGREGATIONIS INDICIS.

SACRA Congregatio Indicis infraſcriptos Libros ut damnatos, ac prohibitos publicari censuit,
ſicuti præſenti Decreto eos damnat, ac prohibet: Mandans omnibus, & singulis cuiuscumque
gradus, & conditionis sub pœnis in Indice Librorum Prohibitorum contentis, ne ullus in posterum
h h 2 eos